



農巖集

二

詩

~16
2442
2

其六



2442
18-2

農巖集卷之二目錄



詩

光城府院君

金公善基挽二首

與太學諸君子飲燕于泮水堂口占一律屬在

座同和

玉洞觀溪漲

清風池閣

赴外祖母壽席江水大漲舟中次子益韻

詠江漲

關王廟次子益韻

清風池閣與士敬讀樂記歸而有賦

士敬將歸湖中省墓夜飲為別

任監司 查挽二首

孟冬既望夜宿楓溪主人為設榻池側流觴傳

飲各賦詩以識之 二首

張判書 善澂遷葬挽

余之出幸清風也仲惠兄置酒饒行時兄亦將

有西塞之行次韻為別

郡齋除夕 二首

李伯祥 復明自忠原送書約上元夜會宿月微

既入山失期不至獨宿無量寺

又賦

翼日上德周寺留宿將下山天遠上人覓詩書

贈 二首

舟中得五絕 五首

將還東峽同伯氏宿大有家士敬諸人亦來會

過牛川

月溪曠色

曉發

側岸有垂楊拂波蔭船

過葛山風日甚美

次子益韻

過鄭守夢亭子有感

望陵

瑯湖燕灘

堯寺

過興元

涉險

抵可興

夕過龍潭

金灘

彈琴臺

早遊

寒碧樓月夜聞笛聲在船賦得一律

夜坐聞灘響于益有詩和之

次屏間晦翁八絕八首

儵然齋朝起

次唐人郡齋詩韻與子益李生天我同賦

伯祥率其弟季祥徵夏及子姪三人沈生齊賢

兄弟挈舟而至會余兄弟將游丹丘遂與方

舟而行

玉筍峰

龜潭

降仙臺

和子益

舟中記所見和子益

島潭次子益韻

石門隱舟巖

下三清瀨

望煙村

江邊有惟鳥色白不知名見人飛去

捨舟向雲巖和子益

道傍有石窟嵌空為二竇有泉注焉玲瓏可窺

到雲巖列坐巖下折花流觴

中仙巖夕景

下山

龜潭

伯祥還歸悵然倚樓子益有詩和之

到鶴樓巖觀捕魚

翛然齋與洪生世泰同賦二首

和子益

與子益及洪生同訪凌江洞二首

緣溪而上屢得佳處

送洪生往二潭

郡齋送子益入寧越

與子益同賦義林池得聲字

與堤川宰洪士膺重模兄弟同游臺巖各賦溪

字

疑清閣設酌得逢字

疑清閣又得壺字

逸春日同賦時子益與洪生已戒舟行有日矣

探龜谷稿得青字共賦屬金進士措

子益自淨方日晚不至

鳳樓菴

白蓮菴

出洞

子益將登舟賦得寒碧樓前一樹梨和之

獨歸

陪尤翁游龍谷

屏川

望俗離山

次宋叙九 時錫韻

仙游洞

叙九以余品第仙洞在龍谷上意頗不悅有詩
為諷次之

自松面向外仙游洞

外仙游洞

陽山寺

舟中載竹盆賦之

舟下大灘

八月十五挈舟溯江行數十里乃泊岸夜已過

半矣 四首

又賦 二首

八月十八日聞丹陽守喪逝馳往封庫仍宿鳳

樓亭翼日乘舟還邑 二首

九月十四日檢田水東宿淨方寺 四首

又賦

郡齋秋懷 六首

霧巖寺晨起

登屏山晚眺

石榴 夢作

送洪尚書 萬容赴燕

全川都正 洪挽

冬日對屏山有作

十二月十三夜

月夜女兒輩登寒碧樓余不覺起與隨 三首

敬次家君碧波亭次陽明韻 二首

吳妹婿李汝楫 涉。十首

金原城 必提挽

谷雲四曲白雲潭

管雲山 三首

管雲之意諸作已盡之別為詠雲十一首申其

餘意 十二首

不知菴次籠水亭韻

濕雲泉

伴睡菴

太初谷

鐵鑪

銅瓶

課農

摘果

濯足

有知堂次晦翁二詩應伯父命二首

農叢集卷之三

詩

光城府院君

金全萬基挽丁卯

豫樟千仞蔚崔嵬驚世文章柱厦材家學儒林編史
傳勲名 后父畫雲臺可論日月憑依近實歷風波
震撼來虎倒龍顛還一夕艱難重切百身哀

其二

公昔提衡藝苑時我初投卷覓鑪錘一頭每愧歐公
讓亡質還深鄂匠悲未把綿芻修古義尚因綸綍效
吾辭我今無復登龍日泣洒朱門望素旌



五月二十八日與太學諸君子飲讌于泮水堂
口占一律屬在座同和

過雨黃堂晝景遲長筵衿佩列逶迤橋門流水澌澌
度槐市薰風習習吹捨瑟幾人同點樂食葦今日更
肩詩須知金盞心期遠三復當年鹿洞規

玉洞觀溪漲

急雨山溪漲清流變濁涇乘凌等一跡蕩滴極殊形
回坻旋為轂高屋建似甌崩雲籠壘巖振鷺起遙汀
末力吹沙礫橫波溢戶庭未愁掀老樹直恐簸虛亭
石漱菡萏紫池漂荇藻青雪霜侵夏令霆霹奪人聽

快觀充俄頃長懷駟杳冥不須河渭大似有鬼神靈
洶洶終餘怒源源豈少停朝宗萬里意一日到滄溟

清風池閣

蕭散臨池榭君家即我家疎林滴晨露半嶺逗陰霞
奏合風蟬響清歸水木華是中高枕得門外便塵沙
與子益同赴外王母壽席江水大漲舟中次子

益韻

江瀾迷南北迢迢望梁川心傷波底屋興逸樹頭船
隔岸浮青嶂蒸空起白煙欲將方至處前去祝華筵

詠江漲

混混黃流集百川馮夷未恠自欣然浮槎卷下何山
木嘉穀流來幾處田白鷺分飛難及岸孤舟遠去欲
侵天久知世界無空濶便擬持篙逐長年

關王廟次子益韻

廟貌森帷戶窺臨颯有風丹青神鬼接涕淚古今同
北地羞銜壁南陽效鞠躬忠貞恨一槩合此並幽宮
清風池閣與士敬讀樂記歸而有賦

吾生千載下不聞韶濩聲古器散金石存者但遺經
吟哦俯仰聞髣髴得其情歎息遂彌日惜惜坐虛亭
商林叩虛籟石泉響鏘鳴希音尚在是與爾聊同聽

士敬將歸湖中省墓夜飲為別士敬詩甫去內

憂

不恠離筵便酒悲知君歸去異前時凱風逸盡黃鸝
語梓樹攀餘白露枝明發故應心耿耿夜長聊共話
遲遲一杯莫緩驪駒唱隨意西樓斗柄垂

任監司 奎挽

少日高才筆有花中年拙宦鬢先華 王庭晚射平
津策藩臬纔登孟博車謗自南州流蕙艾計存東峽
問桑麻不成歸老還歸葬哭望秋原淚自斜

其二

每憶淮陽臥汲公東遊吾得看丹楓訟庭下馬香城
近官酒留人蠟燭紅往事悠悠同逝水流年亥亥幾
秋風不堪簫挽青門路又是清商八月中

孟冬既望夜宿楓溪主人為設榻池側流觴傳
飲各賦詩以識之

高輿滿西崦清宵池館聞泉聲疑世外酒氣似春還
揚詩煙霜內觴流水月間誦詩如鼓瑟天籟震寒山
其二

漠漠寒山靜亭亭素月孤池臺歸繪畫人物在水臺
爽欲忘食枕貧猶繼醅酌爾家饒勝事歌詠動相須

張判書

善微

遷葬挽

位望先朝伯身尊丹心素節古人論私恩不借
長秋殿清議終歸相國門涕淚暮年憂社稷風流
脩夜閉丘原空聞翁仲移封表誰遣巫陽與返魂
余之出宰清風也仲惠兄置酒饒行時兄亦將
有西塞之行次韻為別

越陌常還往開樽便主賓餘歡戀花樹別意懷參辰
皎月雲中澈寒松雪後真心期無近遠千里當均茵
郡齋除夕

今日遂已暮更鼓鳴我側整襟為坐久所思渺鄉國

江門遠火明郡樓微霰白悲吟無與聽白髮不可摘
人生寄一世忽忽幾今夕逝者亦已多非今獨可惜
尚恨少年時輕視日月擲簪纓社策名符綬晚懷祿
屈指計所喪茫然不可復

其二

江聲暮向西斗柄曉移東俯仰一天運吾生老其中
棄置無奈何默坐寒堂空眼前一壺酒亦有盤羞豐
吾病適不飲縱飲誰與同悵然遂遠曙門鼓已寥寥

李伯祥

後明

自忠原逸書約以上元夜會宿月
嶽之德周寺既入山伯祥失期不至獨宿無量

寺是夜天陰不見月 戊辰

古寺碧雲合寒山阜蓋遲天應惜明月人亦在佳期
悄悄懸燈宿寥寥伐木詩清光尚他夜惠好肯來斯

又賦

山鳥嚶嚶野鹿啼遠來期子宿招提白雲帶雪暮千
壑春水流漸下一溪禰道人稀聊獨往宮樽酒滿爲
誰攜雙旌五馬無消息倚徧巖松日已西

翼日始上德周寺境界高深非復無量之比是
夜留宿地藏小寮有二僧相伴將下山天遠上
人出紙覓詩遂書此以贈

寄宿猶初地攀登始上方山長盤幾郡城古築何王
松籟千峰室拂檀一院香聊從老寒拾跌坐盡斜陽
其一

篇灑維摩室飛簷著樹端經行一磴峻對宿一僧寒
月露逼蘿幌泉冰墜竹竿神清夢屢警自起開香盤
舟中得五絕

舟下瀨翁塔水深雙擗倦亭亭趨揖山朝見暮亦見
其二

灘沙苦難平日暮風更生舟移石磨憂臥聽潏潏聲
其三

普通非惡灘灘淺舟凝滯持酒勸篙師冥泊梨湖滋

其四

借問順風帆何如下瀨船到頭欲交語各自去茫然

其五

江流三百里萬轉復千回已去揚州近遙看華嶽來
將還東峽同伯氏宿大有家飲酒聽琴士敬諸
人亦來會

逸興東征日君家酒泥人鳴琴度山夜挂席向江春
草繞忠州遠花開潭島新歸途饒物色別思也氤氳

過牛川

行舟暮不息宛宛轉牛川遠岸村高下中流帆後先
雲霞望超忽湍險逝悠然逸興今如此輕鷗那獨賢
月溪暝色

日落江氣變兼之湍瀨長繫纜欲何岸孤帆猶夕張
榜人歌漠漠洲鴈宿蒼蒼傲兀信行止拖屨吟對床

曉發

昨日西風今日微東船未作掛帆歸篙師蕩紫鷓鳴
後已有鷓鷯江上飛

側岸有垂楊拂波蔭船

臥岸垂楊黃鞞金長條日與綠江添舟前春色今如

此寒碧樓頭恐不禁

過葛山風日甚美

水驛青煙弄霽晨龍門遠色帶行人江中窄纜遲遲
日岸上耕犁處處春

次子益韻

白笏青簾轉岸沙初晴江路散餘霞花樓臥遠龍門
影過盡楊根日未斜

過鄭守夢亭子有感

夢老亭前松樹深孤舟緩棹聽春禽長江只是悠悠
去誰見前人歎逝心

荳陵

黃驪山色九疑同 一壘衣冠葬此中 回首冥冥今古恨 春風較得暮江東

襄湖蕪灘

暝色蒼茫帆外山 清心樓影有無間 長波用盡篙工力 咫尺愁過燕子灣

麓寺

我行掛席一絲亭 昨朝已過龍門山 大江東溯益漫漫 百里清動揚羅間 牽纜暝度燕子洲 振衣早涉清心樓 江雲欲散浦激遠 初旭未出鳧鷖浮 鳴榔却轉

馬巖去麓寺之南更繫舟寺門老檜氣蕭瑟東臺雙塔高峯兀懶翁碑版牧翁筆後來挹翠詩更絕青楓銀杏自古今惟鳥畫鳴跳魚出向來逸興如目前俯仰百年心悽然不須灰劫問胡僧且向丹丘訪神仙

青楓銀杏惟鳥畫
無塔絕翠詩中語

過興元

懶翁塔東朝日明清風舟上使君行 春山轉入會稽幽 江水宛似新安清 舍弟幅巾坐吾側 雲物瀾漫歸詩情急灘回灣筆下過蕭然不受波 濤驚滄洲逸興未讓人世上 寄與浮雲名自今 買舟不買山與爾浮

家度此生

涉險

弱纜不勝灘歌颿不當風風灘兩阻我兼以石籠從
勝處故須有此險奮棹讓爾長年功托樓高坐與傲
兀注目亂山西轉東去住浩蕩無不可阜盖日落春
江空

抵可興

永日舟中蓋高灘飯時過紆回一路遠應接百種多
春山隱帆影夕鳥聞棹歌回頭不見來時路遠煙漠
漠平長波

夕過龍潭

去時乘月下江川忠州使君同一船歸時復弄忠州
月孤舟龍潭坐超忽江水悠悠流自在月明皎皎如
相待潛龍有珠不肯吐陰沈百丈深水府滄茫遠煙
掃回灣窺窺空翠搖春山榜人曼曼雙槽鳴水禽藤
襟鶴鶴驚素舸杳然康樂興朗詠且作素家聲此時
相意滿江雲蓬屋因之夢使君

金灘

玉江至金灘溯河十里餘湍險雖時有大抵水舒舒
平渡委輕楫我行得虛徐江臯日綠清花氣深翳如

人家逐岸住，炊煙隨密疎。歷歷水鄉事，蠶耕牛釣漁。
願望每遲徇野情，一以紆早知結網人。不羨臨淵魚，
羨會曾有日，何處容吾廬。

彈琴臺

舟子望琴臺，投飯贈江魚。問此誰與食，哀哉國虜徒。
喪亂安可詳，氣結百載餘。貴賤死同日，智勇淪一塗。
跡掃鵝鶴陳，魂聚蛟龍墟。春雲晦洲島，冤氛疑有無。
滔滔西逝水，遺憤不可除。榜歌咽滯思，古臺烏悲呼。
持觴寄一哀，擊汰且前徂。是日舟人有投飯江中事

早遊

入水登舟江霧寒，舟子百丈牽沙灘。黃楊多生石磊磊，
白雨欲墮雲漫漫。西嶼早煙只數戶，東峰出日應
三竿。仇池武陵如可見，去去不愁吾行難。

寒碧樓月夜聞笛聲在船賦得律

樓上吹初好，舟中度更寒。江空易成響，煙遠似無端。
清簫連風穴，流音溯月灘。岷泮今在此，綠綺未須彈。
夜坐聞灘響，子益有詩和之。

行坐兩悠然，隨人每江嶂。昨日舟是家，今宵齋似坊。
次屏間晦翁八絕

日長檐無趣，高齋晝眠閒。吏散門柳下，鳥鳴庭樹間。

其二

不登江上舟却坐空中閣雲月兩徘徊氣昏一以廓

其三

兩崖清籟生北崖五澗清乘興獨窺臨春山畫巾幘

其四

夕嵐翳羣岫朝霞明一川鳥飛忽無所魚泳方悠然

其五

寥廓郡齋幽下簾映江月空峽自泠泠風瀨無斷絕

其六

錦繡繚為山山前江水瀉空翠無四時樓臺日滿滌

其七

春水下三島源潭花氣連遙期問津客興在蘭舟前

其八

江閣早晚風來從仙穴裏試問北窻枕何如南郭几

翛然齋朝起

不知夜雨多開窻江霧入空濛峭蒨色滿眼屏山濕

次唐人郡齋詩韻與子益李生天哉同賦

傲吏神仙近高齋僧寺如江風吹散髮山色映觀書

勸客雨中酒勞農花外車我無清淨理民物自禽魚

伯祥自中原率其弟季祥徵夏及子姪三人沈

生齊賢兄弟挈舟而至會余兄弟將游丹丘遂
與方舟而行

峽雨夜滿盈春江漲瀏瀏晨起望丹丘意已忘黃綬
呼我青翰舟繫取樓東柳有來却不期翩翩藥城守
棹歌舟銜尾高興無先後拖樓雙阜蓋絲繩百壺酒
擊汰凝清遠明滅見戶牖鶴巖前昔翠屏山背蚿蟻
一氣蕩寒碧蒼茫送鴻首灘瀨汨回復狼石交臂肘
宛轉百丈竿穎脫雙篙手湖洞無險阻高浪狎雷吼
却顧桃花村翳然武陵趣為問秦時人于今尚在否
幽蹊峻莫尋遐想如有負花灘忽已度玉筍聳左右

秀色何氛氲丹霞鬱翠阜舉手招玄鶴持杯勸笛與
清唳響豪竹船舷屢拊扣顧呼同來人此樂真難朽
紛哉世中事於我如塵垢玉喬是我師葛洪是我友
神仙豈在遠姑搞未為有莫輕一日歡空慕千載言

時有一日
仙之語

玉筍峰

丹丘我已到三秀若可采綠潭靜淵淪青峰勢屢改
映鬱雲霞氣橫空如錯絲阜蓋倚延佇羽旗杳何在
遲遲後來船鼓柁來勿忘森然五老峰揖我如相待

龜潭

渾渾大江源鬱鬱羣岫會清峙壯際接龜潭領其最
巖嶂負氣勢積水蟠根帶曉兀砥柱峙橫絕龍門封
禹力所不到益歎神功大蒼峭竟古今鴻濛結流雷
松矯元氣表舟蕩翠微內溯洞欲迷前顧望似無外
水花破春遲雲日孤光晦緬邈仙源思中流發永慨
浩歌向煙蘿移棹越風瀨

降仙臺

夕映舟路幽春山花氣深亭亭空翠內丹臺俯碧潯
仙子何時降焚香坐彈琴維舟望不見長笛倚風吟
高松散清籟如度空中音應有雙玄鶴低飛下雲岑

和子益

蓬屋蕭然歌嘯聞眼前雲物媚人顏鳴橈綠水通三
島歌枕青岑度萬山茗雲浮家從所適桃源迷路笑
空還稚川但戀六砂好曾不移封向此間

舟中記所見和子益

丹陽峽內何所如民物依然留古初舟子江上釣漁
靜人家谷口雞犬疎風榛歷歷隱樵斧春草青青生
斫畚中流紆目未移棹他日共君來結廬

島潭次子益韻

江光黯黯晚霞生鷁首三峰照眼明戍削雲根無地

湧參差鴈序自天成松梢老鶻衝船起泓下潛龍應
笛鳴欲借樵柯問仙路石門深入聽暮聲

石門隱舟巖

丹丘地盡更洞沿二島春花錦纜牽方丈何曾遠涉
海仗池終古可通仙幽溪掉入蛟龍宅高頂門開混
沌天無數崩崖危欲墜莫教橫笛起船舷

下三清瀨

舟下上清灘愁思蘭棹疾三山安可望已是壺中物
望煙村

雙楫舞中流孤篷卷初日何許起朝煙蕭然木皮室

江邊有惟鳥色白不知名見人飛去

一鶴澹無情孤高立洲嶼東飛背我船似向蓬山去

捨舟向雲巖和子益

江路沿洞盡雲溪窈窕行誰知山水意亦復有將迎
道傍有石窟嵌空爲一竇有泉注焉玲瓏可窺
嵌空碧青石幽泉忽中注應有雪色蝙蝠長年飲玉乳
到雲巖列坐巖下折花流觴

中仙巖夕景

曲水流春酒行厨颺午煙微吟松下坐阜蓋兩蕭然
鮮崖皎雪霜古潭澄金碧欲去戀清輝亭亭遠雲夕

下山

始以中仙巖謂已窮源下山始知別有上界而未到也回望悵然

巖泉少人賞終古一樵路駐馬望溪源青山足雲樹

龜潭

造化鍾奇勝標名故不虛雲凝守著處江似負書餘
綠嶂行舟逼危花絕岸疏長懷退陶興難問土亭居

伯祥還歸悵然倚樓子益有詩和之

江城送客情空樓玉笛聲遙下瀨舟惟有屏山與吾
弟曙寬相對共悠悠

到鶴樓巖觀捕魚

春水魚肥穀雨天江城花暖柳絲煙漁舟蕩槳青蘋

靡釣潛移樽白石圓歷歷吏人沙上望深深樓閣鏡
中懸鳧鷖已共周旋久長日忘飛阜蓋前

儻然齋與洪生世泰同賦洪生時會申尚書葬
于忠州遣騎邀來

期君何太久昨夕始登門馬鬣新觀葬漁舟後問源
聊同江上望且盡雨中樽浮世參差事寥寥未暇論

其二

人來問官况花裏訟庭幽夜寢潭江靄春游或釣舟
冥心聊兀兀養拙日休休黃綬何關事丹砂不待謀

和子益

清時容傲吏養疾寄江天
令弟同攜手高齋祇對眠
簷花官燭夜門柳水亭煙
臥治吾何有優游或近仙
與子益及洪生同訪凌江洞
李君天武亦隨至
古壁幽花重疊明
綠潭雲日錦紋生
儵魚自信從容樂
莊惠何人得爾情

其二

春衣吹著杏花風
潭底魚游花影紅
沂上濠梁同異趣
忘言共坐水聲中

綠溪而上屢得佳處

重巖綠苔色定水
青松陰千古森幽境
悠然冥一心

送洪生往二潭

漠漠丹丘峽春雲繞島龜
送君從此路駐馬久尋思
吹笛中峰是維舟幾曲疑
樵柯容易爛莫被羽人欺
郡齋送子益入寧越

玉筍峰前春水綠
仙巖洞裏早花紅
丹丘勝處經行盡
又逐青山入越中

與子益同賦義林池得聲字

潏沆滄池澄不清
蛟龍魚鼈寄生成
盤堤樹擁高雲影
過關泉飛急雨聲
香稻千渠資雪飯
絲萼百畝足春羹
天開美利兼佳賞
終古留爲一縣名

與堤川宰洪士膺重模兄弟同游臺巖各賦溪字

馬度春山水漲溪流濕盡錦障泥崎嶇入峽無多
路窈窕穿雲是別蹊聒聒風湍鳴石急重重巖樹綻
花齊兩家不讓山公與官酒如澠莫放攜

疑清閣設酌得遙字

神仙樓閣足逍遙賓主風流未寂寥商嶺玄心參篆
繫滄浪高調發雲韶莫辭官酒如霞釀已有梨花作
雪飄舍弟歸舟江上逗且容歡樂盡今朝商嶺金君
帶所居滄

浪洪生
自號

凝清閣又得壺字

寒碧樓頭酒一壺舍杯高興在春湖岸花開徧河陽
李沙鳥飛依葉縣鳧簾下掣鈴無簿牒席前揮筆盛
文儒異時此事空相憶閒對屏山落日孤

送春日同賦時于益與洪生已戒舟行有日矣

無賴江風也有知封姨故作石尤吹直從千樹飄花
盡且喜孤舟解纜遲滯客徂春俱是劇物清人意自
相私一樽不為東皇餞聊與吾徒醉少時是日
風甚

探龜谷稿得青字共賦屬金進士翁

住處雲山幾疊青郡齋為客見新賞紫芝商嶺知高

與白首玄經惜暮齡欲把龜圖參乙乙不禁鴻意已
冥冥風江永日紛離恨載酒何時問草亭

時全若詩
題南嶺

子益自淨方日晚不至

期君何不至忽已午時鐘獨把洪崖手微吟遠壑松
來時幾流水宿處數重峰無乃葛蒲石仙花戀紫茸

鳳樓菴

花木深樵徑雲松閉石龕山圍孤佛坐鳥代過僧參
一瓣香無火數編經在雨風幡空自動妙訣復誰探

白蓮菴

虛白西菴得清幽滿一襟山雲留客靜夏木繞僧深

鳥破無言訣溪流不住心倘寬陶令醉吾欲入東林

出洞

山陰已向夕石瀨轉多聲此意深千古終愛晚一行
迷花歸路緩攀挂別愁盈可惟空門子同舍去住情
子益將登舟賦得寒碧樓前一樹梨與洪生和
之

寒碧樓前一株柳千條縮盡錦屏煙春風長得空如
許不繫歸人下瀨船

獨歸

樓中難作別江上復同舟及爾分攜處彌深返棹愁

遙空雙鳥沒荒峽片雲留長笛無情思嗚嗚過晚流

其二

去舟若鳥鴨滅沒下遙津便爾似千里兀然空一身
煙波盈我思歌笑阻相親寂寞官齋裏還歸對吏人
陪尤翁游葩谷

杖屨追幽踐經行萬木間晚晴雲駁解遲日鳥聲閒
纓濯蓮花水歌吟挂樹山悠然童冠與似自舞雩還
屏川

勝處無人識荒塗只自橫嵌空石誰鑿噴薄水相爭
老木千章合時禽百種鳴巖花開不盡應待邵先生

望俗離山

馬首千峰色吾今觀俗離半空霞不散初夏雪堪疑
寺遠藤蘿外林香躑躅時振衣違絕磴空詠太冲詩

次宋叙九 時錫韻

興入桃源路行隨稍畝衣洞陰花木合澗葭藥苗肥
洗飯臨清溜持觴望翠微先生方宴坐亭子莫催歸

仙游洞

石門啓初竒鶴臺建高標見此意已傾深入彌迢迢
絕境破幽蘊造化駭難料霜厓下離列雲壁旁岩曉
噴薄瀉湍瀨晶筵散瓊瑤巖溜非一滴潤英擢千冠

耳目際崇深俯仰心朗寥夫子非綺皓猶懷採芝苗
深寄詭易測高興方飄飄坐石久不瞬臨川屢其謔
神凝萬物妙道期千載遙紛吾慚薄劣抗志空雲霄
符綬祇為忝山林久見招願留奉教几卒歲謝氛囂
叙九以余品第仙洞在葩谷上意願不說有詩
為諷次之

葩谷寬平仙洞奇真同和惠與清夷須知曠度能容
物未若高標凜自持

自松面向外仙游洞

山行數十里鳥啼無時歇清溪棄復得白雲深難出

旖旎長林花搖漾淥潭日翳然寄孤賞遵路吟不輟
魚嬉網罟遠木老斧斤絕即此感人深何由棄簪綬

外仙游洞

青溪深淺流高下一白石終古相漱雪作此波黎色
解鞍情便止行坐信所適晚花翳綠蘿高鳥吟青壁
巖嶂閉陰岑人遠樵路隔羣物一以靜雲日自清歷
景風方晝至披拂叩冥寂游者古何僊後來遂絕跡
風珮無遺聲芝英不可覓清泉淪苦竹聊以比靈液

陽山寺

川源溯不盡山路深亦平數里或人家水碓高下鳴

雲關窈窕入石扇自天成板橋到寺門喬木深啼鴛
長廊似無人繚繞獨徐行鬢髮僧鬚長崩剝碑苔生
景晏東臺飯消搖林樾清神超跡難拘境妙心即并
無以符竹累廢此山水情

舟中載竹盆賦之

清江二百里脩竹一歸船浪沫吹湘雨秋陰割渭川
蓬窗晨露滴葦渚夜聲連王子山陰棹應無此段綠
舟下大灘

輕舟如急鷁搖尾入危灘欹側烏紗落蕭森蓬屋寒
盪滯滯不已驚浪疊如千忽過揚根縣龍山背後看

八月十五挈舟溯江凡行數十里乃泊岸夜已
過半矣

百丈夜猶牽雲沙方渺然江長夢裏路月滿鏡中天
遠岸鳥時叫荒村人盡眠蘆花風露下誰繫扣船舷

其二

白露澄江濶孤舟素月多持杯使君興引纜僕夫歌
岸蕩蒼蒼樹天垂冉冉河風湍信二老更不問如何
其三

川路如無際宵征意易傷水螢飛忽忽村犬吠荒荒
搖幔波兼月露衣露欲霜淒寒賴多酒船底數呼觴

其四

行舟只一葉泊處四無隣浩蕩鳧鴨夢蒼茫水月身
羣豈於此遠一氣自然神城市空昏擾誰知夜景真

又賦

蒹葭岸岸露華盈蓬屋秋風一夜生臥溯清江二十
里月明柔櫓夢中聲

其二

一年一度中秋月無雨無雲此夜晴好放扁舟江濶
處花樓看到打三更

八月十八日聞丹陽守喪道馳往封庫仍宿鳳

又賦

蒼峭入鴻濛削成自太始一氣竟標本千仞無重累
不知造化力何以能為此於焉著結構人巧乃復爾
中有草衣僧疑古巢居子雲英上縹緲玉乳下清泚
獨愛蒼蒲根孤生巖巖裏劍脊抽勁葉歲寒瘦難死
殷勤託老宿為我且善視待汝九節成歸來採相餌

郡齋秋懷

搖落江潭事蘭皋已緒風遙懷秋夜半獨臥郡齋空
易下西樓月頻驚北渚鴻離騷兼水調託寄古今同
其二

秋水清公館寒山滿訟庭有時看釣艇終日對雲屏
吏散空門柳賓來卽酒瓶湍明雖五斗高興自沈冥

其二

鴈鷺歸人吏神仙臥使君灘聲每夜雨山色一樓雲
朱紱身堪隱黃花酒屢醺江湖興瀟灑不恨久離羣

其四

吏道有羈束能無心事違淮陽禁闥願彭澤故山歸
此意誰通蔽于今難是非寒江日西北注目倚斜暉

其五

愁思高樓迴闌干度暮鴻冥冥紅樹雨颯颯白蘋風

峽氣陰晴半江聲早晚同千秋宋玉恨詞賦未須工

其六

江峽日泠泠獨留遙夜聽高齋度微月滅燭掩重扃
側想曉霜急空憐衰菊馨幽懷耿遲暮明發未云寧

霧巖寺晨起

東林早鶉起虛室白生初野馬晨光裏淵珠夜氣餘
勞生亦可已了義竟何如盥漱鑪香下微吟貝葉書

登屏山晚眺

野曠紆平楚江寒動碧虛居然萬里勢寥落九秋餘
今古相同薄山川孤自如休將爽鳩樂在濕景公語

石榴十月曉夢作
紫顙含珠實崇朝露氣溥無人獻
君所目斷五雲寒

送洪尚書萬容赴燕

聞道燕京使衝寒度薊州龍頭一代選牛後百生羞
雪擁巫閭壯雲橫碣石愁關河萬餘里目斷倚江樓

全川都正濬挽

法官褒衣朝日明瓊珮星爛引宗英秀眉丹頰神仙
表全川公子年最少殿前誦書如鼓琴從官竊歎
至尊笑紫泥誥濕新摧秩赫赫光輝動一日 天家

潢派孰敢問西華丞相是自出龍種未論與人殊鳳
母也自無凡雛汝湯文雅盛天倫東平爲善樂家居
漆簡初窺孔氏壁枕方未求劉向書朝天到馬曉如
雲珊瑚寶玦夜招魂淮南誰信吠空犬巴峽人悲斷
腸猿歲暮東陵松柏深丹旒雪落北風翻可憐濁世
誰翩翩賓客淚下平原門

冬日對屏山有作

朝見錦屏山暮見錦屏山朝朝與暮暮錦屏在窻間
變態雖千萬畢竟各有還斐亶還初旭空濛還夕月
青還浦淑煙日還崖谷雪於何還秀色終古不曾歇

澹然彩翠外吾獨觀其真冥會只此心詎可喻傍人

十二月十三夜

江城霽煙雪郡齋夜夜月懷此每不眠披衣獨散髮
北渚既混漾南浦復空濶萬象森未動羣岫影兀兀
水灘獨難靜曉響轉清越逸興空亭亭孤嘯爲誰發
我友二三子音塵一何闕

月夜女兒輩登寒碧樓久不下余方坐儵然齋
不覺起興隨至真所謂老子於此興復不淺也
月明笑語喧樓頭兒女游綠江渙如春花鴨一雙浮
卷簾相指似夜寒不下樓老子方獨坐微吟對虛舟

其二

洞天此窈窕清真蘊四時何年玉斧子期我采玄芝
白鶴夜不來高樓坐待誰闌干二十六明月空參差

其三

錦屏凝夜煙綠影淪江深波流不俱逝一似靜者心
蕭然一幅巾四顧誰招尋雲月皎我燭風灑鳴我琴
敬次家君碧波亭次陽明韻

天南地盡島夷中積水冥茫混太空縱有夢魂飛不
度願爲黃鶴去隨風

其一

終古珠崖瘴海中
謫居應是似逃空
梳柳樹下詩千
首
領取蘇家父子風

哭妹婿李汝楫

涉○五○市

漠漠乾坤共殺機
麟亡龍死鳳驚飛
炎天霜雪仍餘烈
更爲蘭摧淚濕衣

其二

人代桑滄只眼前
回頭往事盡茫然
北窻亭下迎君日
不信于今十五年

其三

綠鬢紅顏兩瞳少年
真似日生東
一時人羨雙星

會光景依稀是夢中

其四

草市衫陽又廣陵
隕珠餘恨幾年仍
空差短世俱朝露
歸去玄扃共漆燈

其五

司命何心錯弄權
古來多少天才賢
憐君更比顏回短
恰得當時髮白年

其六

半世辛勤覘北身
丹鉛舊業欲生塵
秋堂螢火飛無數
暗入書帷不見人

其七

昆玉荆金自有章會須遺塚貢明堂蒼山鬱鬱埋奇
寶終古免氛翳白場

其八

地府深嚴帝所清修文作記共科榮心知此事難憑
準猶欲持寬父母情

其九

灰劫餘生鹿豕羣四年窮谷泣荒三畝枯尚有千行
淚未敢隨人把似君

其十

久約吾文表妹瑩筆隨心腐竟難成祇今縱有文成
日那得泉臺一細評

金原城 必挽

上天醉已甚久矣其夢夢福與窮達予奪無一公
賢諸類坎壈此恨古來同惟公只一身併有生民窮
色然彼何者吉祥萃其躬黃流注凡企一土墳空玲瓏
濠章失構廈但為蠅蟻宮真事意莫問靈墳高難通
無兒澆墳土有文餒書蟲身名一兩翳如志士淚濡胸
浮生亦何常如漚滅海中榮華更足賴高亭一颯風
天時日薦瘡殺機起蛟龍祈死古固有全歸可無損

哀哀此鮮良，銜恤何時終。鬼神罰不死，覲顏視蒼穹。
織辭瀝清血，再拜以送公。公歸九泉下，持此告吾翁。

谷雲西曲白雲潭

癸酉○以下二首
七首係谷雲雜詩

西曲川觀倚翠巖，近人松影落毵毵。奔湫濺沫無時
歇，雲氣尋常漲一潭。

管雲山

垂嶽山中太始雲，千峰萬壑接氤氳。言來此物無人
管，直待先生始策勳。

其二

山中有雲人得管，雲亦不放人下山。畢竟還誰是主

客，悠然一笑倚蒼巒。

其二

朝見雲生暮復生，不分眠臥與經行。如今已是忘相
管，須與青山換別名。換一

管雲之意諸作已盡之，三首外不容復多著語。
別為詠雲十二首，中其餘意蓋以雲之隨時變
態逐境異趣如此，非有以管焉則莫能究觀而
目治云爾。

桃花輕薄絮顛癡，逐水隨風各不歸。只有閒雲意淡
蕩，終朝懶出洞門飛。春

魚鱗草莽故多般變態橫生指顧間倏忽奇峰千萬
疊開簾又是一華山夏

其二

其三

金天秀色皓盈盈搖曳寒潭素練明借問清高誰得
似還他山裏老先生秋

其四

雪峰愁寂立巘岈澗水無聲水塞灘歲暮真成無可
悅寒雲獨自媚人看冬

其五

拂曙山雲冉冉生高低林壑一時平清浮元氣如滄
海明著初霞是赤城朝

其六

千點樓鴉古寺鐘歸雲日夕獨從容箇中宿處君知
否茅屋東頭叢桂峰夕

其七

觸石朝興已滿天吐吞峰嶺互相連潭龍睡起新行
雨恰爲山人種藥田雨

其八

雨晴雲葉欲離離餘濕氤氳散頗遲斷處溪虹明夕

飲酒回巖桂媚新姿晴

其九

千尺喬松帶女蘿白雲於此每寥寥
棲鸞舞鶴空差是似見仙人早晚過本上

其十

花源雲氣襲芳菲雲在花間宿不歸
深處欲迷蝴蝶夢滿林紅濕曉霏微花間

其十一

仙鳥深深籠畝平白雲從古不勝耕
山童餽饍無尋處遙認青牛喚犢聲耕翁

其十二

人在長松白石磯雲來相守兩心歸
貪看水底離離影不省金鱗上釣飛釣磯

不知菴次龍水亭韻

稠疊青岑與翠巒小菴孤迥寄中間
冥冥一枕希夷界在遣奔泉吼滿山

濕雲泉

洞洞松桂磴澹澹花藥園一路白雲濕
須知不是雨伴睡菴

竹倚蒲團不用禪希夷直下有真傳
夢中未識桃花

落山鳥呼人到枕前

太初谷

鉅谷深林虎豹墟蒼杉鬱鬱萬株餘風霜雨露無窮
事拄杖時來問太初

鐵鑪

夜窻有宿火擁此自成趣時復偶林僧殘灰撥燒芋

銅甕

古銅葫蘆掾汲泉常在手却笑鴟夷饗終年但盛酒

課農

耕田白雲中飯牛青溪側時來閱耘耔倚杖遂終夕

采菽猶未親緝焉謝沮溺

摘果

山果非一種霜餘溢甘芳行隨樵子真坐共林僧嘗

高蔓摘未盡留作魑魅糧

濯足

清溪萬里流白石中盤陀於焉濯吾足隨意揚素波

真會太平詩不信孺子歌

有知堂次晦翁二詩應伯父命

漢道昔橫潰九河方未鑿惟時一武侯忠義獨磊落
眷言異天命未敢愛丘壑悲哉死後已遠烈人猶昨

後來百篇詩獨嘆晦父作潭祠感何深舉世誰斟酌
賢者曠相望終古一憂樂華陰小茅空遠意更漠漠

右臥龍潭韻

結廬在山裏曳杖行山前永懷東峰子久矣無此賢
編邈首陽隱沈冥栗里眠心期炯不昧繳日脫浮煙
巖樓空白雲澗飲餘寒泉於焉寄真像未信曠百年
志士歎所遭能無淚潺湲太息倚古臺悲歌續遺篇

右醉石韻

農巖集卷之三

農巖集卷之四目錄

詩

尹體元 以佳挽

金鍾城 益廉挽

重陽前一日次韻贈別士敬 三首

金蔚山 源挽

宿巖寺吳家亭子

贈金君簡

次子益韻贈玄生若昊 五首

玄生行口占二絕附寄其大人 二首

次子益敬明 弟昌緝 唱酬韻

次子益雪詩 三首

次子益韻寄李子東 海朝

偶感東岡舊事疊韻奉子東

次韻贈子東 二首

趙正郎 景望 丙室挽

石浦與族兄最良 景昆 季季達 從弟昌直 詩

人會話

除夕木洞陪伯氏及子益仲裕士敬道以 詩

時佐 會飲拈杜律韻共賦

又次杜韻

趙正郎 景望 挽 入道

金叅奉 聲六 挽 入道

李子東過宿角巾亭翼朝同舟至廣津

道文上人過訪江榭敬次曾王考韻以贈

洪生世恭來訪淡陰檢明人詩用其韻同賦 二首

秋日往楮島登過去船船中先有一老儒乃洪

川進士南宮垣也曾與余同搨道峰今又隨

貢上京口占以贈

還山馬上偶記杜詩令崇兒次之仍自賦

還山有作示李季愚

同季愚訪白雲次陳白沙韻

呼韻

夜吟

次季愚韻

歸路過蕙桃坪李厚培家饋蜜椽戲賦

草堂前菊叢絕短小重陽已迫而開花無幾季

愚自詫其家園黃英已瀾漫賦此解嘲

次季愚韻

次諸生爛柯臺韻 四首

次劍南韻 二首

放魚歌

奉贈北溪李公 世白 赴燕 二首

冬至前夜口占示院中同志 二首

疊前韻 二首

仲冬十二夜與院中諸生對酌用書字同賦 二首

松栢堂雪後喜子益自楊根來宿

松栢堂次子益韻

上元夜石室書院同諸生觀月呼韻共賦

自京歸楮島呼舟久不至下馬坐沙岸口占

吳林德涵 咏○五首

南君得星晦谷公之故臯也念先公之遺烈而
哀其窮聊為絕句以志其慨

入雙谷杏花方開

蜂嶺

到農巖

夜坐

卽事效劍南

攜諸生及崇兒共游元化壁下擷蔬炊飯

五首

李君季愚約同山行病不果來寄詩次之

藥師殿村居

龍華有感

豐田驛

樓大乘禪房曉睡覺聞水碓悲鳴枕上得絕句
用韋應物綠陰生晝寂孤花表春餘為韻賦十

絕 九首一首逸

靈源菴遇僧卽昔年所同樓者賦一絕以贈

次韻贈開慧

金將軍祠 六首

攜道以及崇克向幸州舟中有作

次劍南韻

望歸來亭

歸來亭疊前韻一首

次簡齋韻奉主人最良兄

卽事

次劍南韻

歸路舉帆次仲裕三首

蠶頭

哭韓汝重 肆〇十首

贈洪生世泰赴燕六首

發向永平呼韻令李生瑋及崇兒同賦仍和

曉發雙樹驛

次李生韻

一路稻豆盛茂數日東風頗惡旱氣又甚恐今年稽事又失稔口占自寬

初九日夜

朝宗途中

踰介羅里嶺向甘泉驛

保安驛敬次魯王考韻

春川

昭陽亭敬次魯王考韻

入清平洞口

九松臺

敬次魯王考入山韻

影池敬次魯王考韻

又賦

西川敬次魯王考韻

息菴

菴後絕壁上松臺高絕可坐

敬次魯王考韻

疊行字

歸路再上昭陽亭

夜臥聞主翁與僕夫語記之

原州途中

觀黃生柱河葬

翼朝向麟蹄哭墓又賦

蒼峰驛次劍南夢藤驛韻

自洪川至麟蹄路間逢人大抵皆是儒生及

商賈之自嶺東來者因以有作

舟遷

麟蹄郡齋獨宿有懷時伯父在谷雲

向寒溪

望嶽

瀑布 五首

天賦

宿大乘菴

朝登萬景臺俯視山腰以下白雲彌漫如海

砥平途中

過砥揚二邑同被寇火見之慘然

望見角巾亭

竹林亭十詠 十首

子益來會書院道以舜瑞魚有風及諸生成在

夜煖酒講書敬次曾王考集中韻共賦

次子益韻 二首

寄別淮陽使君金達甫鎮圭 一首

次舜瑞韻送俞君四命奇入京

次子益詠曉景韻

次子益詠書院韻

子益在石室賦益梅十數篇就次其一二六首

石室除夕次仲裕次洪生世恭韻述感

夜同伯氏及子益仲裕敬明道以會于木洞壘
前韻

農巖集卷之四

詩

尹體元 以健挽甲戌

三節家聲絕代無華陽夫子夏型模
乘桴早許從浮海血脚寧辭步上途
共喜覆盆回白日豈知歸轍卽黃墟
孤魂永與脩門隔終古長些怨楚巫

金鍾城 益廉挽

少日高才獨不羣春臺落筆動明君
驪駟歷塊終成蹶千鎔埋塵尚有氛
潘岳郊居甘拙宦陶公續息出奇文
生芻欲莫能無地聞道新所近白雲

重陽前一日次韻贈別士敬

之子一匹馬能來款我扉百年幾相見將去屢挽衣
惜哉黃菊節一觴未同揮極目送歸鴻何時當北飛

其二

風雨夜如晦鳴雞不廢聲羊腸路雖險良馬故安行
勗君慎所履囂塵滿京城君子身常度何以成其名

其三

天運詎能泰人事日崩分太息臥窮谷素髮空紛紛
摩挲倚床刀幽憤干青雲獨漉有遺亂悲歌以向君

金蔚山

灑挽當在金泰
寺挽下

禁苑層臺毀一言臯比獎直荷殊恩馬鳴立仗翻遭
斥鴳上承塵遽斷魂時宰真成欲殺意巫陽不問有
含冤江湖感慨空無限卷裏離騷映淚痕

宿巖寺吳家亭子

巖寺今三宿煙波益渺然沙寒多警鴈月皎有行船
宇宙孤生老江湖晚興偏卜隣終得否深倚主人賢

贈金君簡

今朝有好事聽予誦新詩郢曲古來絕唐風今在茲
敲金清動耳攬鏡黑生絲南國詞人藪君應崔白期
次子益韻贈玄生若吳

未死終相見逢君祇苦顏
冰霜又歲暮涕淚尚人間
海遠鳩林星雲寒石室
山蒼茫去留意寒燭夜深看

其一

苦竹與松不相會桃李顏
知君三碧號用意雪霜間
卽此同肝膽何論隔海山
殷勤護勁節直到百年看

其二

往事那能憶惟餘淚逐言
深知不如死尚有未收魂
爲海桑田幻衝星劍氣
存人間何可託永欲謝啾喧

其三

冰路遙遲馬寒燈數曲言
銜恩曾至骨念別欲銷魂

海濶鴻飛得山深鹿視存
悲吟向遙夜松籟曉窸窣

其四

每憶匡山讀能忘岬寺幽
朝吟松上雪夜漱竹間流
過去誰非夢吾生久覺浮
從君更借問幾箇有同游

其五

征馬南行背朔風到時春
滿竹林中趨庭樂事何由
羨天地茫茫我獨窮

其一

二十年前逐我翁
滿居曾不似湘中
曹家園好留踪
跡玄老書題見主衷

其二
枯形兀兀已成翁
往事思量每熱中
回首鴟鴞餘一
老數行詩札
訴危衷

次子益敬明

弟昌輯

唱酬韻

千古鴛鴦繡金鍼
各在人云何文字學
欲了文夫身
回薄波流靡
虛明夜氣新
永懷尼父聖
憤樂老相循

次子益雪詩

一夜袁廬臥自如
乾坤晃白起來初
吳門練影誰分
馬魏國珠光劣
照車黃卷燭來新
得助紅鑪點處却
成虛普天塞士思
同庇自笑書生意
潤疎

其二

狼藉松梢與竹叢
坐看揮霍勢何雄
先春花絮玄機
別觸目琳瑯
大地同危樹
多風吹更落
疎簾有月照
還空盈襟灑氣
無邊際却恠山陰
興易窮

其三

雲物冥茫混沌如
回風驅霰戒嚴初
欺鹽欲入殿王
勇裂素疑分織女
車地比天容
齊皓潔心將目
境共
清虛細看滕六
裁花巧覺得
東皇翦刻疎

次子益韻寄李子東

海潮

天馬凌空脫馬鞍
冰壺貯月見清寒
大家禮樂今餘

韻三世文衡爾小宮巷號烏衣從寂寂庭留槐影尚
團團百年蘭臭吾徒在有酒頻追竹閣歡

偶感東岡舊事疊韻奉子東

叩策東岡淚墜鞍長懷積雪立門窗先人有友應同
傳當世惟公不愛官講易林空書帶綠觀心池古鑑
雲團阮咸文彩憐相近交誼憑尋伯仲歡

次韻贈子東

宛彼人如玉云何我勿思風流四世好妙絕五言詩
江路來應易山樓倚頗遲空懷又今夕明日可能期

其二

已作離羣慣猶然盡日思誰堪共飲酒爾獨可言詩
野入年華淺江含夜景遲樓高更愁絕浩蕩眼中期

趙正郎景聖內室挽

往跡森然聽澗堂鬢齡游走鬢今蒼諸郎序齒均魚
隊夫子敦親屈鴈行懿範孰知如我最哀歌欲迭倍
情傷闔門猶記當時拜髮鬢餘微想珮璜

石浦與族兄最良處最昆季季達從弟昌直諸

人會話

六載有今夜悲歡如夢驚語長從燭短酒重覺寒輕
世事滄桑幻生涯木石并松楸百年感遲暮各同情

除夕木洞陪伯氏及子益仲裕士敬道以歲三
詩佳 會飲拈杜律韻共賦

門掩松楸暮景催庭喧檻馬弟兄來春光逼酒銷寒
雪鑪火將心著冷灰新沐空悲頭上髮繁英懶問闌
中梅如今萬事輸人健可獨屠蘇後把杯

又次杜韻

寄世終何賴隨人也惜時偷歡三酌淺堅坐一燈遲
芝秀嗟猶未河清况更期松楸轉深感驚起曉風悲

趙正郎

景望挽乙亥

自我不見公于今五載餘悠悠平生事歷歷舊門間

尋思肝肺熱欲往蹤跡拘幸茲免畏約謂當展濶疎
一朝撤琴瑟終古隔泉途哀歌欲援筆感嘆屢唏歔

其二

公惟我自出辱爲兄弟行吾父與同齒事公敢不莊
直以親愛故往往形跡忘屣履錯戶庭酒賦隨頽頽
自蒙撫頂來今已鬢髮蒼悲歡詎有窮德音終難忘

其三

嘉林詞翰家三世魁進士我公襲前徽詩鋒早廟壘
一頭雖讓人亦旣傾餘子生兒更哀然驥子信千里
盛事古來少藝苑以爲記東京五公貴借問孰如此

其四

公資本瑚璉宜薦明堂深躋躋且下邑文雅猶素襟
秋清赤壁嘯露滴披香吟逸興復伽伽玄鶴下堂琴
宮跡今寥落浮雲不可尋春風滿南縣桃李幾處陰

赤壁在同福披香亭在秦仁伽伽山在陝川皆公所歷

其五

名園白嶽麓華構聽澗堂醞藉見風流吐納皆芬芳
勝日款比隣未會闕壺觴春衣石榴濺夏簟風松涼
回首把酒地萬事俱茫茫他時過門淚灑徧牡丹香

其六

峇嶢挾仙樓空朗酒碧亭萍水再奇會使君雙玉龍
羽觴駐明月卓蓋倚晨星往事發夢寐風襟尚泠泠
念此那復得空山獨冷傳滄桑已深感九原冥冥

其七

王子投琴慟莊叟鼓盆歌人情各有至兼萃其如何
達觀雖已了能無損天和奄忽遂隨化仁壽豈云多
濬冲最可念羸悴早嬰痾執手勉全生我淚已滂沱

其八

寒食白門柳靈車惠陰道東風吹孝子血淚滿春草
山丘隈華屋杜曲無耆老府仰感代謝惻愴盈懷抱

不得餒高里生平義如掃獨立向江漢逝水流浩浩

金叅奉章六挽

厖資厚意極真淳今世吾猶見古人天與白雲供反
臥錯疑窮各滯儒巾

其二

文場老試據鞍雄二百人看矍鑠翁何限兔園殘册
裏白頭乾死壺書蟲

其三

御筆新除漢寢郎綠衫烏帽疊恩光秋田禾黍還甘
澤不向春苗羨早長

其四

鳩杖經年懶涉園春歌一日不聞村蕭條里社風流
盡蜡飲誰推祭酒尊

其五

劍首矛頭六載餘偷生得近文人居指園分宅猶常
享高義堪論廣柳車

其六

彭澤南村世外期度所越陌幾多時如今草沒巾車
路閒却烏牛不復騎

其七

春晚飛花滿洞陰東風吹入總帷深一杯可似平生
屬淚落提壺勸酒吟

其八

未見新封起九原揚山歸路獨傷魂他時定不車空
過尚記橋公舊戲言

李子東過宿角巾亭翼朝同舟至廣津

江氣蒼茫晚未分鳴榔只許白鷗聞煙中卷畫圍樓
影風處織羅感水紋箏篴閒情西塞雨角巾遺跡五
湖雲扁舟不易同君載元禮高標故絕羣

道文上人過訪江榭敬次曾王考韻以贈

往事悲涼淚滿巾殘生聊託白鷗羣逢僧指與淘沙
浪何似山中起滅雲

洪生世泰來訪漢陰僑居留宿角巾亭檢明人
詩用其韻同賦

索居吾已慣江檻日清幽夜雨隨人至朝雲共水流
道情深體物詩意早悲秋出處何須問君從白鳥求

其二

白露下江浦漢陂秋水清相逢採菱處共聽棹歌聲
兀兀無餘事悠悠足此生晚來樓上臥更復一蟬鳴

是日適往南陂觀采
菱共生遊及於此

秋日往楮島登過去船船中先有一老儒乃洪川進士南宮垣也曾在壬戌秋與余同榻于道峰書院其年余登第君獨不偶今又隨貢上京口占一絕以贈

清江偶上孝廉船華髮相看異昔年回首匡山舊讀處碧雲秋色故依然

還山馬上偶記杜詩令崇兒次之仍自賦

農巖行未到吾廬已在目綠潭過雨清秋禾映籬熟只愁夜來霜凋盡臨池菊蒼苔尚可臥隨意攜子宿還山有作示李季惠

壠上茅廬吾自憐歸來風物正蕭然寒泉漬菊花猶澁重露凋楓葉少妍僧惟休官臥窮谷客拈攜酒醉荒年青山華髮堪相映已斷餘生不問天

白雲僧來動問何苦辭官故類聯及之

同季惠訪白雲次陳白沙韻

匹馬蕭然返故林幅巾隨處散疎襟白雲流水有何好春暖秋涼須一尋山木高低分衆色石潭今古照虛心淵明不淺匡廬興蓮社攢眉意却深

呼韻

農泉本佳絕景物况高清香果霜餘滑看楓日處明

路幽聊自去僧懶不須迎好在曹溪水年年記我行
夜吟

吹裏秋深黃菊稀霜溪木落葉吹衣林僧有約攜食
宿廟客多逢拾橡歸嶺月偃松明稍稍簷風吟鐸
微微百年心事同安夜默聽鐘聲驗道機

次李愚韻

漫浪行歌復坐吟眼看魚鳥自飛沈幽期未仲來三
徑晚計香山託二林鐘磬聲高警霜重衣裳臥冷覺
雲深東峰曙旭遲遲上卯酒從君且一斟

歸路過慈桃坪李厚培家饋蜜橡戲賦

山家蒸橡細成糜崖蜜新調味勝餽千載劉郎人笑
拙何須糕字不宜詩

草堂前菊叢絕短小重陽已迫而開花無幾季
愚自詫其家園黃英已瀾漫賦此解嘲

三年種菊不能長難似君家滿地黃但得白衣來送
酒數枝猶可作重陽

次李愚韻

茅齋霜露日凄清黃菊階前點綴明把卷閒臨秋樹
讀開樽偶值老僧傾溪霞映夕舒文綺池月涵虛碎
水晶客去衡門還自掩長吟五柳獨含情

次諸生爛柯臺韻

翠竹檀欒映碧流
臺前時繫問津舟
仙家萬劫棋中
度爛却樵柯未擬愁

其二

勳業雲臺逐水流
角巾亭下有虛舟
狂奴釣興羊裘
在月冷風淒總不愁

其三

十月寒江竹箭流
朝朝坐數下江舟
最憐浪裏浮鷗
意不似天邊過鴈愁

其四

風江落木盡西流
幾處汀沙閣釣舟
獨立高樓聞鴈
過誰人識得興中愁

次劍南韻

端居感時序次第見霜冰
名姓猶朝籍生涯卽野僧
忍飢支鶴料扶病就書燈
世路休回首吾人已折肱

其二

節食貧堪過貪書老易遺
江湖留晚計霜露有深悲
過鴈衝風急遙船逆浪遲
夜長渾不寢新得放翁詩

放魚歌

滄江魚子晨叩門
手攜鯉兒授養文
金鱗赤尾五寸

身縱小不是鯨鯢侶偶然失勢隔風濤未肯甘心就
烹煮濼刺盤中不能飛雙腮呀呷如欲語悔不將身
慎出入何由作書教魴鱖向來對案每彈缺見此令
人欲投筋出門咫尺大江深呼兒臨水放教去側身
偃尾未便逝鬢鬣欲動猶圍圍斯須超忽若有神滅
沒片影不知處碣石龍門一萬里滄溟水瀾吞吳楚
激冽雲濤有餘地養成鱗甲幾年所縱饒先天挾雷
雨應記今朝困棋姐君不見人生窮厄各有時莫以
富貴忘在莒

奉贈北溪李公

世白

赴燕

蕭瑟江湖一充翁悲歌歲暮釣船中平生未識神州
大垂老難聞虜運窮縱去可能觀禮樂向來猶恨負
桑蓬衰懷更激今朝別日斷遼雲倚北風

其二

中州莫說盡穹廬歷歷遺蹤賢聖墟懷玉山亦應逸
士懸金市寧幾新書歐虞制作開明始陳許淵源接
宗餘茲事未容今古異試憑公去問何如

陳許指陳
許謙

冬五前夜口占示院中同志

臥病輟觀書隱几養沖穆斯晨忽寤懷感歎運化速
深知積陰下已有微陽復冰霜雖慘慄品彙兆發育

三言卷六
大成天地心益然斯可掬周孔有繫易起坐再二讀

其二

匍匐入井兒敲鯨鱗鐘牛卽此一念隱充廣靡不周
譬彼江河大始自涓涓流云何自壅閼如泥塞滄溝
君看赫赫陽下生九地幽機藏苟不繼造化或幾休
勗哉吾黨士反身宜自求

三言前韻

大化無停運天命信於穆陽陰迭升降應機無滄遠
九野雖寒感七日已來復閉關養其始良以茂對育
位哉吾九翁萬化不盈掬先天跡我圖一字無可讀

其二

濯濯牛山木斤斧而羊牛衆人有良心厥初皆孔周
惜哉爲物役甘心處下流聖愚始遠絕清渠與汚溝
幾微諱可忽只在方寸幽湛然夜氣還善端無時休
於焉有剝復安用更外求

仲冬十二夜與院中諸生對酌用書字同賦

茲誦蠶堂久潤疎斐然吾黨喜羣居西山真味蔡家
齋東曾遺言曾氏書發軔正須有萬里下帷寧只惜
三餘懶了讓抗猶餘事努力心期不負初

其二

月皎宮階槐杏疎冠袿列坐脩前除瓦樽春淺三杯
酒燈帳深幾卷書松翠耐寒矜節勁江明入夜較
心虛紅鑪片雪君知否莫遣名根一點餘李詩有
各謂詩頭

松栢堂雪後喜子益自揚根來宿

石室連朝雪揚江念弟寒能來同夜宿令我罷愁端
耳熱春生酒窻明月吐巒新詩滿囊在挑盡小燈看
松栢堂次子益韻

空山欲深夜大地正堅冰閉戶一鑪火留人半盞澄
老深同氣集聞得寸心澄耿耿靈芝感相期至道凝

上元夜石室書院同諸生觀月呼韻共賦丙子
不著纖雲萬里天放開蟾兔十分圓山頭扶杖聚村
老城裏踏橋多少年

自京歸楮島呼舟久不至下馬坐沙岸口占

春江綠正好一望便銷憂何處先歸鴈中流自在鷗
沙明聊下馬渡遠久呼舟緬憶韓公興無錢買小洲

哭林德潤宋

人物乾坤日眇然豈知吾友又黃泉文章步趣空餘
子問學淵源近昔賢一代姓名慚李杜十年離別隔
山川向來無限商量事直到如今不復宣

其二
靜觀門下初相見聽澗堂中幾度逢
醇酒每醺饒氣味洪鐘隨扣盡春容
蒼茫世事經千劫斷續音書只數封
吾道百年長已矣側身天地欲何從

其二

英賢自昔少虛生器業如君會六鳴
病眼相寬似朱子短年誰道劣文成
經綸此日渾無賴編簡他時竟孰程
出處總留遺恨在那能後死不害纒

其四

南國滄浪寄釣絲病緣明主得歸遲
龍門執手孤

兒隔絳帳橫經弟子悲故宅梅殘觀易
處春江水暖浴沂時天涯目極青
青草啼送銘旌有子規

其五

相看病甚已堪悲何意重來哭總帷
月墮曉天餘太白琴合流水失鐘期
九泉未卜交游樂千古同傷殄齊詩
湖外亂山迷幸樹異時懸劍定何枝
一讀一滿

南君得星卽故冢宰蔣谷公之教
皇也公廉白絕人著宣八路位冠
六卿而既沒無儔石之儲以庇後人
此舉世所共知也君兄弟實尸其宗

祀而貧無以供魚菽今既老白首矣迫於溝壑
不能自存嗟乎世無優孟寢丘之事其孰能講
之余與君同年上庠自屏居以來君數來存余
相見未嘗不俯仰太息念先公之遺烈而哀其
窮顧無財可以煦濡無力可以吹噓聊爲絕句
以忘其慨云

耕田舊曲至今悲廉吏由來不可爲看取當年八州
督立錐無地與孤兒

入雙谷杏花方開

城裏看花花欲盡入山更見杏花新自知難賞風流

罪偷占人間兩度春

蜂嶺

春峽轉窈窕意行忘阻脩澗松顏貌古山鳥語音幽
農事燒畬作泉源落藥流秦餘此恐是未信數經由
到農巖

官杏催春事還山及種田牛肥初負耒騾健不須鞭
西崦留斜日東陵望夕煙關情最雅柳綠已暗門前
夜坐

虛室夜何似前溪仍舊聲於焉獨深會此意自平生
山色千花暝池光片月明幽清滿衾枕未許著塵情

即事效劍南

地幽真似上皇天無事方知日抵年釣處魚肥穀雨
水坐邊池滿稻畦泉盤蔬木蕨隨山芥庭藥連翹映
杜鵑除却僧來自隣寺更無人客喚酣眠

攜諸生及崇兒共游元化壁下擷蔬炊飯

童冠參差六七人羣游頗似舞雩春青溪坐久微風
度隨意巖花墜幅巾

其二

漠漠春山一路深高松翳日綠溪陰鳥啼花落去歸
去無限雲蘿獨此心

其三

幾曲蒼巖映碧漪凝思朗詠獨多時藥苗採得當歸
嫩花藥窺尋躑躅遲

其四

積翠鴻濛太始來雲屏直到半天開仰看不盡崢嶸
勢更就溪東百尺臺

其五

午煙松下屢新炊手擷山蔬興自知在說胡麻是仙
飯何曾芝草療人飢

李君季愚約同山行病不果來寄詩次之

穿雲踏澗束薪荆白飯香蔬旋煮成勝事未同隣社
老日西惆悵下山行

藥師殿村居

百轉皆流水中林忽吹鳴桃源不無路藥殿舊爲名
蔗採雲中徑畲田稅外耕吾盧覺猶淺便欲此來營
龍華有感

人代微茫甲子賒仙源不改舊桑麻重來此日無窮
事淚濺清溪五曲花

豐田驛

古驛殘春客意悲梨花如雪草離離孤生白髮非疇

昔父老相看揔不知

棲大乘禪房曉睡覺聞水碓鳴甚悲有似人語
枕上得絕句

臥覺庭杉露滴時清冷曉氣少人知空山猿鳥千於
靜水碓聲聲自作悲

甬草應物綠陰生晝寂孤花表春餘爲韻賦十
絕

無事苦日長有書還懶讀山氣晚如何夕陽明翠綠

其二

其三

道心苦斷續幽處方自生兀坐羣動外猶嫌鈴鐺聲
其四

僧間只愛眠虛室無相偶時有幽禽來隔簾語清晝
其五

巖棲未爲久便欲媚空寂宜爾學禪人終年寄木石
其六

循除細泉落對尸蒼杉孤每憶昔年夜焚香吟典謨
其七

深山異物候四月始挑花人間蜂蝶遠吾獨賞妍華
其八

不省寺高低但看山縹緲向晚聽疏鐘聲聲白雲表
其九

小院木魚靜僧飯蒸椽新一盂有餘飽已自了冬春
其十

一枕夜氣後千林新露餘幽清不可狀隱約上皇初
靈源菴遇僧卽昔年讀書大乘時同棲者賦一
絕以贈

三界由來不可憑人間白髮到山僧相逢共話當年
事六雪懸燈宿大乘

次韻贈開慧

瓶錫林中結夏初
幅巾吾亦共安居
藥苗分供齋時
飯貝葉參繙譯後
書朝牖門塵隨影動
夜床清月對
襟虛蒲團便欲終
年坐不羨人間
駟馬車

金將軍祠

白日松杉閉古祠
靈風颯爽閃旌旗
至今人說深河
戰是處吾看宋老碑

其二

漢虜相望列百管
東韓壯士死分明
千秋莫問黃沙
骨萬國同懸白日名

其二

柳樹悲風戰後多
魂隨復矢度關河
祈連虛起標
家壠上長悲壯士歌

其四

長身通臂引雕弧
匹馬陰山獨射胡
安得丹青寫
戰傍邊更著一降奴

其五

怒髮衝兜齒嚼
龍泉在握死猶
噴唾陽厲鬼知何
似痛恨神州尚虜塵

其六

崔嵬會聞起鐵城
將軍後出更崢嶸
千秋青史看功

罪莫把英雄一例評

陸與將軍皆鐵原人而適當明
逆始終之際有犯順效義之異

云

攜道以及崇兒向幸州舟中有作

出郭一竿日登舟萬里心雲披華山秀雨漲大江深
擊汰隨空濶停杯攬古今盤頭眼中近更憶翠軒吟

次劍南韻

水國看看瀾漁村往往幽乘桴真卽事舉眼失窮愁
細膾樽前出輕鷗櫓外游非關蟹菜好自愛五湖舟
望歸來亭

蓬底持杯醉興興頭鳴榔已近杏洲前貪看畫裏樓臺

影猶自中流不繫船

歸來亭疊前韻

只道江湖勝誰知林壑幽鷗來每不去鶴立迥無愁
賀老稽山宅玄真雪水游從公願結社吾已具扁舟
其二

不惟宦情少有茲江榭幽閉門深五柳高枕散千愁
兄臥應終老吾閒亦浪游清樽對遲日屢喚葦魚舟
次簡齋韻奉主人最良兄

澄江斜抱杏洲城光動疎簾几簟明膝有鳴琴調鶴
舞尊留美酒答鷺聲飄搖已就歸來賦翫髒何須驃

騎名倚檻漁舟時自弄雨霰煙笠揔詩情

卽事

滅沒煙波森遠灣雲深不見桂陽山疎簾雨映三杯
酒坐數漁舸點點還

次劍南韻

亞檻榴花鶴啄開平湖綠漲映金罍樓頭數陣巴陵
雨領得營丘筆意來

歸路舉帆次仲裕韻

正午西風五兩知歸舟掛席得便宜回看海上青山
好已入蓬窻第一詩

其二

舟行苦樂慣曾知快意無如今日宜浩蕩風濤瀉盈
抱淋漓酒汁蘸題詩

其三

勝事西湖爾自知葦魚時節最相宜銀絲細膾隨秋
露歸棹煙波揔好詩

蠶頭

朴李蠶頭興朱梁砥柱游百篇天地在一水古今流
文苑誰爲繼皇華不可求無人語此事把酒問沙鷗
哭韓汝重

蠶頭

卷四

詩

二十三

白首公車困積薪
龍泉鬱鬱閉窮塵
漢庭未薦凌雲賦
揚意羞稱同里人

其二

碩貌豐姿字量宏
如君那不到公卿
世間儘有乘軒鶴
未必能賢上舍名

其三

白嶽山前里巷幽
吾隣自昔盛追游
春天釀酒相呼醉
夜雪題詩互遣酬

其四

風流一李並南兄
屢向西隣喚夢卿
象裏每推君長

者何曾酒所見謹爭

其五

中歲高陽去卜居
弟兄耕釣奉潘輿
時來詫我龍淵勝
百畝清潭一尺魚

其六

繫馬衡門得再過
春林雉雉夏鶯歌
羨尊膾鯽猶餘興
作記題詩不盡誇

其七

角巾亭下水泔泔
此地前年一遇君
未把深杯酬軟語
尚流離恨滿江雲

其八

暮年藥棘血霑纒負土來歸病轉嬰未信神明扶孝
子驚聞鬼伯趣人行

其九

帷空硯北欲生塵梅雨書窗濕舊共聞說中郎餘一
女床前想見拾遺文濕一作漬

其十

夏木風潭舊釣臺依然時物憶合杯酒船他日藉山
去滿袖應將涕淚迴

贈洪生世恭赴燕

看君詩膽大於山未信身軀六尺孱東土彈丸効縱
筆故須夷夏壯游還

其二

少年賓日到咸池海上停舟徐福祠織取扶桑五色
繡京皇與博錦囊詩

其三

短後輕裝一蒯緱關河匹馬走清秋泥乾蕪路二千
里笑指醫閭出北州

其四

燕市千秋說慶卿古今豪傑幾霜纒知君詩律增悲

壯復作高家擊筑聲

其五

不見秦皇萬里城
男兒意氣負崢嶸
羨湖一曲漁舟小
獨速簑衣笑此生

其六

老驥雄心不盡無
側身關塞夢長途
金臺碣石愁雲外
送爾悲歌擊唾壺

發向永平途中呼韻令
李生瑋及崇兒同賦仍

和之

清夜江樓蟋蟀秋
懷山不寐坐悠悠
朝來匹馬飄然

去不省人間有萬愁

曉發雙樹驛

籬外秋泉徹曉鳴
東峰雲缺數星明
誰知秣馬聞雞去
未是求名逐利行

次李生韻

松風吹人葛衣清
委轡穿雲聽水聲
過盡懸燈山下路
隔林茅屋一雞鳴

一路稻豆盛茂有登熟之望而數日東風頗惡
旱氣又甚恐今年穡事又失稔口占自寬

夾道秋禾映馬鞍
垂鞭盡日好行看
稻花漠漠風愁

墮豆茨離離用苦乾數畝畚田元自薄殘年飽飯也
知難明霞翠栢無時盡應供幽人卒歲餐

初九日夜

微月雖已沒雙池猶自明秋堂坐寂默夜氣襲淒清
忽忽流年感迢迢遠世情蟲吟與松籟並赴一溪聲

朝宗途中

秋色嘉陵淡遠村煙林漠漠上朝曦黃雲映水稻秔
熟白雪漫山蕎麥繁已覺民憂寬伏臘况逢天氣借
晴暄蕭然獨策犂騮去詩興何人好共論

踰介羅里嶺向甘泉驛廿餘里行深峽中

日午羸驂不受鞭逢人只是問甘泉溪深最怕槎牙
石村少時看斷續煙路欲稍平還作險山疑垂盡更
遮前僕夫解說蒼厓好恨未丹楓著色妍

保安驛敬次曾王考韻

策馬雨中客歸牛煙際家棧長縈斷石沱急滾崩沙
老屋瓠瓜蔓舍田木麥花蕭然自生事不信有豪奢

春州

國似蒼葦遠山通鳥道長瞿塘江百轉峽嶺小千章
沃野開秋已神京指夕陽登樓俾宣賦不用怨他鄉

作百詩一
作百文

農家集

卷四

詩

二十七

昭陽亭敬次曾王考韻

憶曾吾祖此登樓六十二年吾復游久信品題無異
論師看奇勝少他州四圍山遠有畫意百尺江清消
客愁飲罷一杯騎馬去闕下西角更回頭

入清平洞口

何許是清平昭陽亭北行千重翠微裏想見古人情
江路仍山路溪聲共鳥聲晴嵐屢與滅真足比浮榮
九松臺

入谷幽事始肩輿卸鞍馬僧指太古潭水流長松下
雲映相為美少坐意已寫噴薄雨疊泉回風山不道

雨薛翠壁滋露葉青楓灑秋色雖云早清暉已堪把
前去復何如茲焉亦難舍山水誠娛人榮觀不足謝
永念昔人游誰共此心者

敬次曾王考入山韻

真樂清寒雨不迴青松落影只空臺農巖有客僧知
不欲入廬山舊社來

影池敬次曾王考韻

瑤泉甃石湛凝清一鑑中涵萬象明欲把靈臺相比
試松間兀坐整巾纓

又賦

清池萬古只溶溶未許蓮花著水中天遣玉峰來照

影僧言卽此是芙蓉

池中正寫芙蓉學影

一四川敬次曾王考韻

四川水石聞昔日我來日擊信幽絕清泉出谷流
鏡奩上有芙蓉峰挿天尚憶真樂寄梵宇愛此朝暮當
園圃古人白骨今生苔我有幽襟向誰開令人却憶
東峰子採薇亦曾此山裏曠世玄蹤兩難伍但看逝
水無停住

息菴

抗策躡回磴危構架疊石高入接遶處感歎未云極

陰房綴薜荔幽竇溜涓滴不見鷓鴣卵舊猶想跼蹐
向來掛冠意豈亦耽禪寂云何維摩室獨面少林壁
至今空門內唯傳止觀方自古有寄託沈冥竟焉測

菴後絕壁上松臺高絕可坐

高臺一千仞古松二百尺上有無盡風吹掃游人跡
我自白雲來而非世中客獨立倚寥廓浩歌無慚色
敬次曾王考韻

不見息菴見遺刻四山窈窕雲漠漠陰崖瘞骨僧知
處石甬瓦金綠薜蝕沈吟欲去仍少立蒼鼠晝爭松
子落

疊行字

平生慕真樂今日始茲行獨往曾何意長吟空復情
苔中識碑字月裏數鐘聲一宿山門去蒲令薄世榮
歸路再上昭陽亭

山寺歸來意悵然眼明還是此樓前闌干今古橫斜
日舟楫東西閱通川猶國秋容禾滿野牛村晚景樹
生煙澄江最覺宜佳句安得詩如小謝妍

夜臥聞主翁與僕夫語記之

僕夫夜附火主翁來近邊更闌語不休問答頗連綿
自言閱歲多饑荒無今年百死得一生正賴明府賢

忍飢哺赤子無一溝中捐所憂秋雖熟官私無宿儲
緩死且今冬開歲將何如木綿况空田最悶衣裳單
霜降應不遠白露前夜寒側聽爲不寐靜念民生艱
風謔誠可采何由達縣官

原州途中

我行已浹旬所歷垂五百豈無鞍馬勞且恢心眼窄
峽山多荒峭峽水厲而激縱未盡佳境要喜是新覲
况逢奇絕處徃徃副宿昔綠潭被古松飛泉墜素石
無人固幽夏有村更寂歷亦復有平川清曠映秋色
到眼輒欣然或欲移室宅人生各有好山水獨言癖

仁智則何敢無乃近物役爾然顧寒溪更欲新營策
觀黃生柱河葬

八月東原雨天悲葬善人無年寄長策有恨閉窮塵
不復求師義誰能向道親乾坤久衰運自昔已傷麟
翼朝向麟蹄哭墓又賦

已惜金刀折那堪玉樹埋荒原盡一櫛客路復相乖
秋瀨蟾左咽寒雲雉嶽歸魂過漢浦定否顧傷懷
蒼峰驛次劍南夢藤驛韻

悄悄荒山路悠悠幾日行詩應編一集賦欲草東征
馬倦羊牛下衣寒絡緯鳴居然消髀肉自笑竟何成

自洪川至麟蹄路間逢人大抵皆赴舉儒生及
商賈之自嶺東來者因以有作

客行東關路多逢市上人擔簦赴舉子馱魚行商民
擾擾一路間各以管其身我行默自計頗似無由因
蹙蹙策駑馬終朝傍行塵聲確蒼山根詰曲幽澗濱
問此何所樂而若赴通津一笑指仙山西風吹幅巾
舟遷

倦馬秣復征秋雨亦已晴方欣江色來忽驚棧道橫
一線裊縈盤千仞危崢嶸迅湍下關石數里先聞聲
長林顛蔽虧不爾更怔營平生慕杜老有詩能紀行

至今川蜀間險絕如寫生恨我無此筆奇處語還平
麟蹄郡齋獨宿有懷時伯父在谷雲

寥落郡齋空訟庭秋草生獨來臥逢夜靜聽寒江聲
佳期莫復同幽抱徒自盈華山更何許引領遠合脣
向寒溪

問瀑寒溪去渾疑鴈蕩過清江棧底急疊巘馬前多
幾里行松樹諸天指薜蘿數峰來雪色奇興欲如何

望嶽

木末奇峰次第生晶熒秀色使人驚誰知楓嶽香城
外更有山如削玉成

瀑布

蒼崖上塞天千仞立積鐵下有無底谷谿衍九地裂
奔泉此借道未暇避險絕直下更無疑令我服勇決

其二

昔觀朴淵瀑謂言天下雄及茲歎奇絕變態故不同
飄蕭雨散絲天矯龍在空朝光忽倒景邂逅生紫虹

其三

香鑪三百丈舊頗疑其誇笑我真并蛙視此更如何
試欲測高下安得繩許多但看太古松流沫頂上過

其四

矯勁簡齋詩雄奇謫仙語鴈蕩與匡廬得此遂千古
我生後二子著手更無所何以酬造化有酒且一舉
作手句

其五

瓊臺倚縹緲白雲生布襪飛泉迴吹衣散髮濯餘沫
却顧蓬萊日吾駒欲東秣浩歌古遠游天風振衣未

又賦

縹緲杉松表霏微澗谷中風吹不成水日映忽生虹
迴入白雲去高疑銀漢通窺臨臺更勝秋色倚丹楓

宿大乘菴

古寺木皮瓦僧去薜蘿鎖小鑪燼檀香陰壁蔓山果
蒼鼠眠佛龕驚高人竄復墮幽深此焉極荒落固自可
灑掃可枕簟白雲來就我泉試甘冽茗團發包裹
中峰採參子日暮路坎坷相偈宿不歸隔窻耿松火

朝登萬景臺俯視山腰以下白雲彌漫如海

崇臺石萬丈振衣立清曠下視浩浩宿雲漲彌望
萬壑與千巖冥濛入濤浪自驚身無羽何得在雲上
頗疑世界變陸海混蕩漾羲和從東來朝日固無恙
少坐閱奇變襟胸一以盪吞吐若有物興滅無定狀
發時勢未已歸路恐失向稍稍見平地冉冉就高嶂

松杉出次第塔劫了色相下山已廓然餘潤濕履屐
作分

砥平途中

余於前月初五日離家明當稅駕恰滿三十
日自發永平至還漢陰計程凡九百七十餘

里

客日圓三十游程近一千衣裳渾霧露詩草幾山川
水落橋成月霜清稻穫天歸家應有酒好醉菊花邊
過砥揚二邑界前月廿七日同被雹災楊根尤
慘聽田中殆無遺穗見之慘然

旱澇孰非災爲害莫如雹不知是何氣多在秋晚作
禾稼熟未收遇之盡摧剥有如項籍軍所過肆殘虐
今夏歲大飢大半轉溝壑未死尚耕種引領望秋穫
四野既如雲庶幾飽餽飽持鎌不日刈築場已濯濯
一敗遂莫救生意慘蕭索我行過楊根所見尤駭愕
稂稻兀枯莖豆萁但空殼木麥景可傷塗地如霜瘁
農夫仰天歎婦女淚雙落田中視墮粒一一珠隕握
提筐盡日收所得僅合音亦有將遺穗歸家裏囊橐
謂言將流移未忍餒烏雀見此意慘傷夕店食烏却
吾聞至治世八荒圖禮樂協氣所薰蒸休徵無不若

降及漢唐盛亦不憂歲惡斗米直三錢紅腐齊山嶽
致此豈偶然德政無甚錯遇災勤撫恤惜費崇儉約
天故賜豐年其報如酬醉今民獨奈何未見富給樂
饑饉歲益甚如魚困涸涸人事無乃乖天意豈冥漠
賦事憂耿耿敢自譏食藿有懷欲上陳 天際凝蓬
逸

望見角巾亭

高樓只在眼江路却迴遭歸心競流水先已到樓前
竹林亭十詩

夕霽臥遙帷東峰綠煙歇開簾滿地霜竹上已明

右東嶺霽月

喬松含萬古鬱鬱到蒼昊偃蹇亭裏人相看兩不老
右北亭長松

夜雨水平田漫漫稍映綠簾笠夕陽遶勞歌自成曲

右南畝農謳

湖平煙水潤漁子迷處所月出稻開歌雜舟定竹嶼
右西湖漁歌

遲日閒園步隨人蛺蝶來百花須次第斟酌莫爭開
右後園賞春

羣流漲一川洶洶動几席高枕待其靜悠然且終夕

右前川觀漲

疊巘倚高秋朝來轉佳色楓林早得霜欲奪初霞赤

右九井霜楓

夜雪滿孤山絕憐梅蕊冷行尋竹外枝坐對水中影

右孤山雪梅

僧廬寄空翠閒望意悠然香積朝朝事深松有細煙

右聖洞朝煙

東峰高幾許羣峭莫能競亭亭下海日於此每餘映

右鵝峰夕照

子益來會書院道以舜瑞魚有鳳及諸生咸在

夜煖酒講書敬次曾王考集中韻共賦

永夜留燈火相看餘事無蕭然一曾論細講酒盈壺

次子益韻

雪映虛帷睡不成夜來添却讀書程千秋大舜寧寧

意更感村雞第一聲

其二

老矣金丹不可成諸君努力向脩程閒宵臥聽燈前
誦鏗爾當年鼓瑟聲

寄別淮陽使君金達甫

鎮圭

曉寒江閣雪初晴正憶淮陽太守行東路萬山皆似

玉欲從何處問香城

其二

憶昨西峰片月低臥談楓嶽宿楓溪東門五馬難追
送雪裏新詩對使題

次舜瑞韻送俞君四命岳入京

積雪千山酒一觴寒江離思劇茫茫京華此去塵如
海莫忘鄒篇意味長劇一作易

次子益詠曉景韻

泱泱連江雪晨光稍向分天留將落月野有欲鋪雲
一氣彌襟次羣囂遠耳聞祇應存此意長以事天君

次子益詠書院韻

清齋無俗事日夕對雲峰臨藉詩書趣回翔禮樂容
江水含皎月嶺雪表孤松萬古肅頑意瞻依二祖蹤
子益在石室賦盆梅十數篇次第見示就次其

一二

惟君寂寞守空堂知有梅兄伴一床桃李成蹊他自
開芝蘭入室未稱香神清睡到三更失與劇詩連十
紙長臥起真成被花惱人問却有靜中忙

其二

可人風味自溫溫未必書紳勝對盆已淺微陽驛前

動能清一氣夜中存幽期有月時窺戶古意生苔欲
蝕根五柳孤松添此物從今肯羨洛陽園石室有元
松石樹

其二

花開繞樹欲千巡梅癡應無似爾人高著羲皇以上
眼獨觀鷺燕未知春曉窻畫影枝枝活曉梳生香日
日新豈必西湖三百樹一盆也好鎮隨身

其四

纔報開時已恐殘題詩數去問平安疎英更合商量
著瘦骨曾經護養難小閣鑪薰通馥郁空山月曉耐

清寒羌兒玉笛吹猶可慎莫緇塵一點干

其五

幽姿耿介故難親肯許東隣學笑喚開晚尚能交臘
雪落來應亦是香塵半窻隱約孤山月一榻勾回五
嶺春好釀君家真一酒持杯日日酌花神

其六

佳卉難將韻士遭名園栽植揔徒勞花中未有似梅
勝世上須還吾弟高彭澤壺樽偏菊徑靈均詞賦只
蘭皋千秋此恨林逋解尚覺詩情讓爾豪
不室除原次仲裕次洪生世恭韻述感

東坡集
江繞書樓坐雪天邇來心事已超然寒宵宿火爇編
在兀兀差堪送老年

其二

幾處梅花送臘天衡門曉雪故蒼然因君去問洪崖
子定不無詩答歲年

夜同伯氏及子益仲裕敬明道以會于水洞壘

前韻

久斷餘生不問天每逢除夕意懷然參差兄弟燈前
影數首殘詩記往年

東坡集卷之四

